

## Angunia

(Ta os qu'esfienden Galligo)

**Chusé A. SANTAMARÍA**

Birxen de Marcuello,  
faro de a Galliguera.  
¡Que pleba, que pleba,  
a birxen de a cueba!  
Se sumarran os trigos  
y lolo, en o patín,  
mincha binagre con pepino.  
Ya se'n fueron os abrios.  
¿En dó son os mozés  
que pataquiaban  
con chancletas de goma  
os ríos?  
¿Birxen de Marcuello,  
guarda-nos de os entibos!  
Coflau soi,  
minchando un güego,  
una sardina y un carambelo.  
Marzelo, mientras lo mandas,  
fer-lo.  
¡Ya empenta Santiago por Agüero!  
Os paxaretes cantan,  
os nublos se debantan.  
Birxen de Marcuello,  
faro de a Galliguera.  
¡Que se'n bienga Santa Quiteria!  
As obellas s'abezan en l'ordio  
con as cabezas cachas.

*Luenga & fablas*, 1 (1997)

¡Que s'esperte a birxen de Casbas!  
Ya se'n baxa Santa Olaria  
a sacar-nos d'ista enfanga.  
¡Soi San Chorche y por Erés  
con o pugón enrestiré!  
A empuchar, pues,  
que ya se sienten os de Biscarrués.  
Por os siglos de os siglos  
¡Ya se bei l'abiación de Riglos!  
Marcha ascape, que lo pillo,  
a Galligo por Murillo.  
¡A brincar, a brincar,  
que Galligo ba a pasar!